

## Paulo fe agbalẽ evelia si wòṅlò na Korintotowo

<sup>1</sup> Nye, Paulo, ame si Mawu ṅuto tia be manye Yesu Kristo fe dola kple nɔvinye, xosetɔ Timoteo gbɔe agbalẽ sia tso,

Na Mawu fe hame si le Korinto kple ame kòkòe siwo katã le Akaya:

<sup>2</sup> Amenuveve kple ṅutifafa si tso Mawu, mía Fofu kple Afetɔ Yesu Kristo gbɔ la nana anyi kpli mi.

<sup>3</sup> Woakafu Mawu, ame si nye mía fe Afetɔ Yesu Kristo Fofu, nublaniukpòkpò Fofu kple akɔfafa katã fe Mawu la, <sup>4</sup> ame si fa akɔ na mí le mía fe xaxawo katã me, ale be mía wo hã míate ṅu afa akɔ na ame siwo le xaxa me kple akɔfafa si mía wo ṅuto míexɔ tso Mawu gbɔ. <sup>5</sup> Abe ale si Kristo fe fukpekpewo gena de mía fe agbe mee ene la, nenema ke to Kristo me mía fe akɔfafa hã gbã goe. <sup>6</sup> Ne míexaxa la, miawo fe akɔfafa kple de de tae; ke ne wofa akɔ na mí la, miawo fe akɔfafa tae. Esia dea dzigbɔgbɔ blewuu mia me be miawo hã mietea ṅu kpea fu siwo miekpena. <sup>7</sup> Mía fe mɔkpòkpò na mí li ke goṅgoṅgoṅ, elabena míenya be abe ale si

miekpo gome le míafe fukpekpewo me ene la, nenema ke miakpo gome le míafe akofafa hã me.

<sup>8</sup> Nɔvi lolõtowo, mebu be ele be magblo fu siwo míekpe le Asia la na mi. Wofo mí, eye wowo fu mí ale gbegbe be miáwo nuto gõ hã míebu mɔkpɔkpɔ de sia de be míatsi agbe. <sup>9</sup> Míebu be míedze na ku elabena míekpo be wɔna ađeke megano mía nju o, gake míetsɔ nu sia nu gblẽ de Mawu si tea nju wɔa nu sia nu, eye wofɔa ame kukuwo gõ hã tso yodo me la fe asi me. <sup>10</sup> Vavã, Mawu de mí tso ku dziɔ ađe me, ale míetsɔ míafe mɔkpɔkpɔ da de edzi be ađe mí tso fukpekke de sia de me daa. <sup>11</sup> Eya ta mi katã miwo deka ne miado gbe da de mía ta vevie. Zi ale si miedo gbe da eye miede kuku de mía ta la, zi nenema ke miagada akpe na Afeto la de efe amenuveve si na be mienɔ dedie la ta.

### *Tɔtro va Paulo fe dɔdowo me*

<sup>12</sup> Ke miáwo hã, adegbe si míafe dzitsinya nana míefona lae nye be míeléa mía dɔkuiwo nyuie le xexe sia me, eye le mia dome hã la, míewo mía dɔkuiwo dzadzæe, eye míetɔa nyatefe le nu sia nu me. Ke menyé miáwo nuto fe nɔsẽ mee míewo esiawo le o, ke boɔ wo katã tso Mawu fe amenuveve me. <sup>13</sup> Elabena mienɔ nya bubu ađeke na mi, si miate nju axlẽ alo ase egome o. Mele mɔ kpɔm be, <sup>14</sup> abe ale si miese míafe nya gome afã kple afãe ene la, miava se egome blibo ale be miate nju afo adegbe le mía nju abe ale si míafɔe le mia nju le Afeto Yesu fe nkeke la dzi ene.

<sup>15</sup> Esi meka ɔe miafe nugomesese dzi tae medi be mava mia gbo gbã le nye mɔzɔzɔ me, ale be miagaxo yayra ɔe yayra dzi. <sup>16</sup> Tso mia gbo la, mayi Makedonia eye ne metro tso Makedonia la, magava to mia gbo ale miado mom ne medzo yina Yudea.

*Nu si he Paulo fe vava ɔe megbe*

<sup>17</sup> Dewohi miano biabiam be ɔe metro ɔoɔo si mewo gbã la alo ɔe mele nu wom abe xexea me to siwo menya Kristo o, ne nya la nye “ẽ” la, wogbloa be, “ao” ene mahã?

<sup>18</sup> Gbede, mele eme nenema o. Abe ale si Mawu nye nyatefeto ene la, nyemenye ame ma fomevi o. Nye “ẽ” nye “ẽ.” <sup>19</sup> Elabena Mawu fe Vi, Yesu Kristo, ame si nu nye Paulo, Silvano kple Timoteo mieɔe gbefã le na mi la, menye ame si ne nya la nye “ẽ” la, wogblo be, “ao” o. Afeto Yesu Kristo wona ɔe nu sia nu si wogblo la ko dzi. <sup>20</sup> Afeto Yesu Kristo kpɔna hã be Mawu fe nugbedodo ɔe sia ɔe va eme pɛpɛpɛ. Ne nugbedodoawo wu akpe nanewo hã la, wovaa eme, eye miegbloa “Amen” to Kristo dzi hena Mawu fe kafukafu. <sup>21</sup> Medi be wɔnɔ susu me na mi be Mawue wo mi kple miawo hã bena miezu kristoto vavãwo eye wotia mi abe efe apostolowo ene be miade gbefã nyanyui la. <sup>22</sup> Eya ame si de dzesi mi abe viawo ene eye wotsɔ Gbogbo Koko la de miafe dziwo me abe kpedodzi be mienye etowo vavã la ene.

<sup>23</sup> Azɔ la, meyo Mawu tso nye dzi me ke abe ɔasefo ene be nu si gblom mele na mi la nye nyatefe tututu; susu si ta nyemetro va Korinto

haḡe o lae nye be nyemedi be mava ka mo na mi, eye mawɔe be miaxa nu o. <sup>24</sup> Menye ɔe mীগale amegã ɔum ɔe mia dzi hele se dem na mi tso nu si ke miaxɔ ase la ɲuti o, elabena mienya nu si dze be miaxɔ ase. Ke medi be mawɔ nane si ado dzidzɔ na mi, nye ɔwɔhatiwo ne meva, menye be mana mialé blanui o.

## 2

<sup>1</sup> Ke azɔ la, nye ɲuto meɔoe be nyemagava mia gbɔ kple nu si agahe nuxaxa vɛ na mi o, <sup>2</sup> elabena ne megade nuxaxa miafe dzi me la, miate ɲu ado dzidzɔ nam ne mele mia gbɔ o. Eɔ ame bubu aɔeke hã meli si ado dzidzɔ nam tso wu miawo o. <sup>3</sup> Esia ta menɲɔ agbalē ma na mi, ale be miadɔ nuwo ɔo hafi mava elabena nyemedi be makpɔ naneke le mi, ame siwo ɲu meɔoa ɲu ɔo be miado dzidzɔ geɔe nam la ɲu, si ade nuxaxa nye dzi me o. Menya nyuie be ne meva mia gbɔ le dzidzɔ me la, ekema miawo hã miakpɔ dzidzɔ geɔe. <sup>4</sup> Nuxaxa kple vevesese geɔe nɔ nye dzi me, eye aɔatsi ge le mo nam gɔ̃ hã le agbalē ma ɲɔɲɔ me, eye menye ɔe menɲɔ agbalē la be mana miaxa nu o. Ke boɲ menɲɔe be mana miadze si ale si melɔ mi vevie.

### *Tsɔtsɔke na nu vɔ̃ wɔlawo*

<sup>5</sup> Ne ame aɔe he nuxaxa vɛ la, menye nyee wòdo nuxaxa na o ke boɲ mi katãe, mele eglɔm alea be nyemagate gbe ɔe edzi fũu o. <sup>6</sup> Eya ta tohehe si ame akpa gãto da ɔe ame ma dzi la so gbɔ nɛ. <sup>7</sup> Azɔ ele be miatsɔ efe nu vɔ̃wo akee, eye miafa akɔ nɛ. Ne menye nenema o la, ase veve eye dzi aɔe le efo ale gbege be wòatrɔ ɔa

tso nyatefe la gbɔ. <sup>8</sup> Meɖe kuku na mi, miɖee fiae azɔ be miegalɔ̄e pɛpɛpɛ abe tsã ene. <sup>9</sup> Menjlo agbalẽ ma na mi be makpɔe ɖa be miele klalo awɔ ɖe nye ɖoɖowo dzi, eye be makpɔe ɖa be toɖoɖo fe gbɔgbɔ le mia me mahã? <sup>10</sup> Nu si mietsɔ ke ame aɖe la, nye hã metsɔe kee, eye edze be nye hã matsɔe ke le Afeto Yesu Kristo fe n̄usẽ me hena miafe nyonyo ko. <sup>11</sup> Susu bubu si ta wòdze be miatsɔ nu v̄o ake amewo ɖo lae nye be miaxe mɔ na Satana be wòagaɖu mia dzi, ahe toto va mia dome o, elabena mí katã míedze si ale si wòdi be yeade zitoto hamewo domee.

### *Nubabla Yeye la fe apostolowo*

<sup>12</sup> Esi meva Troa be magblo Kristo fe nyanyui la le afi ma la, mekpɔ be Afeto la n̄uto vu mɔ nam be ɖo la nayi edzi nyuie, <sup>13</sup> gake metsi dzi le ɖokuinye me, elabena nyemekpɔ n̄ovinye lolɔto Tito le afi ma o. Esia ta medo taflatse na Troatowo, eye medzo le afi ma heyi Makedonia.

<sup>14</sup> Ke akpe na Mawu be to nu si Kristo wɔ me la, míekpɔ dziɖuɖu eye míekaka nyanyui la abe ami v̄ev̄i si v̄ena l̄il̄il̄i ene ɖe amewo dome le afi sia afi si míeyi. <sup>15</sup> Elabena Mawu wɔ mí míezu ami si v̄ena l̄il̄il̄i la, eye Kristo fe v̄ev̄e l̄il̄il̄i si wòtsɔ de mía me la, kaka ɖe ame siwo katã kpɔ xoxo kple ame siwo mekpɔe o la siaa dome. <sup>16</sup> Nunana nyui si Kristo tso na mí la ɖi ku fe v̄ev̄e na ame siwo le tsɔtsr̄m. Ke le ame siwo xɔ Kristo dzi se ya gbɔ la, míenye v̄ev̄e l̄il̄il̄i si naa agbe. Azɔ biabia lae nye be ame ka n̄u n̄utete le be wòawɔ ɖo siawo? <sup>17</sup> Míawo la, míele abe ame siwo tso mawunya la ɖo n̄gonu hele amewo

blem, le ga xom le wo si la ene o. Esi wònye Mawue dọ mí ta la, mífoa nu kple Kristo fe ɲusẽ la, eye Mawu fe ɲku le mía ɲu ɖaa.

### 3

<sup>1</sup> Ke nya siwo menɔ na mi la, ɖe wodze abe míele mía ɖokui kafum enea? Alo ɖe wòhiã mi abe ame aɖewo ene be míatsɔ kafukafugbalẽwo ve na mi alo míaxɔ kafukafugbalẽ le mia si mahã? <sup>2</sup> Miawoe nye míafe agbalẽ si wonɔ ɖe míafe dziwo me, si amewo katã nya, eye woxlẽɛ. <sup>3</sup> Amewo akpɔe be miezu agbalẽ si tso Kristo gbɔ to mía dzi. Menye agbalẽ si wonɔ kple nunɔtsi o, ke boɲ esi wotsɔ Mawu gbagbe la fe Gbɔgbɔ ɲɔe ɖe míafe dziwo me, ke menye ɖe nunɔkpewo dzi o.

<sup>4</sup> Míele nya siawo gblɔm kple kakadɛdzi, elabena míedɔ ɲu ɖe Mawu ɖeka hɔ la ko ɲu to Kristo dzi. <sup>5</sup> Míawo la, ɲusẽ aɖeke mele mía si si míate ɲu atso awɔ nu siawo katã o, ke míafe ɲusẽ tso Mawu gbɔ. <sup>6</sup> Mawue nye ame si na míedze be míanye Nubabla Yeye la fe gbefãɖelawo. Nubabla Yeye sia to vovo sãa tso xoxoa si nye se siwo wonɔ la gbɔ. Ke yeyeto nye be míasubɔ Mawu le Gbɔgbɔ me elabena Gbɔgbɔ lae gbɔa agbe ame, ke seawo ɖeɖe ko dzi wɔwɔ kplɔa ame yia ku me.

#### *Nubabla Yeye la fe ɲutikɔkɔe*

<sup>7</sup> Enye nyatefe be Mose xɔ se siwo wonɔ ɖe kpe dzi, siwo dzi mawɔmawɔ hea ku ve la, le ɲutikɔkɔe gã aɖe me. Eye esi wòtro gbɔ va kple seawo la, keklẽ gã aɖe fo xlãe ale gbegbe

be Israelviwo mete ɲu kpo efe ɲkume gɔ̃ o, gake ɲutikokɔe ma nu va yi xoxo. <sup>8</sup> Ke azo la, de miakpo mo na dzidzo kple ɲutikokɔe gedede wu le esime Mawu fe Gbɔgbɔ subɔsubɔ la le amewo xom de agbe le ɲkeke siawo me oa? <sup>9</sup> Ne ɲutikokɔe gedede fo xlã se siwo hea ku ve la, ekema ɲutikokɔe gedede fũu ɲutɔe afo xlã nubabla yeye si Mawu wo, si kplɔa ame yia agbe mavɔ la me. <sup>10</sup> Le nyatefe me la, ɲutikokɔe ma si klẽ tso Mose fe ɲkume la menye naneke ne woatsɔ asɔ kple esi fo xlã Mawu fe nubabla yeye la o. <sup>11</sup> Eya ta ne nu xoxo si nu va yi la kpo ɲutikokɔe nenema la, ekema Mawu fe nubabla yeye si hea agbe mavɔ ve la fe ɲutikokɔe la mele gbɔgblo me o, elabena eya anɔ anyi daa.

<sup>12</sup> Azo esi mɔkpɔkpɔ sia le mía si ɲuti la, dzika metsoa mía fo o, eye miɛgbloa nya la kple dzidefo. <sup>13</sup> Míawo ya la, miéwɔna abe ale si Mose wo esi wòtsɔ nu tsyɔ mo be Israelviwo nagakpo nu si nu tsina fe nuwuwu o la ene.

<sup>14</sup> Va se de egbenkekea dzi la, menye Mose fe mo ko wotsyɔ nue o, ke boɲ Israelviwo hã fe susuwo kple nugomesese dzie, elabena wogaɔoa dzi de Nubabla Xoxoa ɲu, eye woxlẽɛ daa abe nu si ko me wofe mɔkpɔkpɔ le ene, evɔ wònye to Kristo dzixɔse me ko hafi woate ɲu adzo le vivitia me, eye agbe fe kekeli la nadze na wo. <sup>15</sup> Eye va se de fifia ne woxlẽ Mose fe Seawo la, nutsyɔnu gatsyɔa wofe mo kokoko.

<sup>16</sup> Ke gbe si gbe wo dometo aɔe trɔ eye wòxo Afeto la la, ekema nu si tsyɔ mo ne si na be wòle viviti me la, dena da. <sup>17</sup> Afeto la ɲutɔe

nye Gbogbo si naa agbe wo eye afi si Afeto la fe Gbogbo le ko la, afi mae abloḍe le. <sup>18</sup> Ke mí ame siwo katã xò Yesu Kristo abe Afeto ene heḍoa dzi ḍe enu la, nutsyɔnu aḍeke mele míaḍe mowo o, eya ta míele abe ahuhõe si ḍea Afeto la fe keklẽ kple ḡutikokoe fiana la ene. Eye zi ale si Afeto la si nye Gbogbo la le ḍo wòm le mía me la, etrɔa mí be míaḍi Kristo le efe ḡutikokoe me.

## 4

### *Kesinɔnuwo le anyigoewo me*

<sup>1</sup> Mawu ḡuto fe nublanuikpɔkpɔ mee wòtso be wòtso subɔsubɔḍo sia de asi na mí be ḍeḍi metea mía ḡu le ewɔwɔ me o. <sup>2</sup> Ke míegbea nu le vivitimenuwɔnawo kple ḡukpenanuwɔwɔwɔ gbo. Míeblua aḍo na Mawu fe nya la o, ke boḡ míegbloa nyatefenya vavãto la na ame sia ame. Míegbe nu le alakpadada gbo helé nyatefe la ko me ḍe asi be amewo nanya le woḍe dzi me be míenye ame dzɔdzɔewo le Mawu fe ḡkume. <sup>3</sup> Eya ta ne Kristo fe nyanyui si míele gbefã ḍem la gɔme sese sesẽ na ame aḍewo la, ekema ame siawo ḍo ta tsɔtsrõ me. <sup>4</sup> Satana, ame si le dzi ḍum le xexe vòḍi sia me fifia lae gbã dzimaxɔsetowo fe ḡkuwo eye wòtsyɔ nu woḍe susuwo dzi. Ewɔ esia be womakpɔ kekeli si tso nyanyui la me le keklẽm ḍe wo dzi la eye woase nu si gblɔm míele tso Kristo si nye Mawu fe nɔnɔme la fe ḡutikokoe ḡu la gɔme o. <sup>5</sup> Menye mía ḡuto ḍokuiwo ḡutie míele gbefã ḍem le na mi o, ke boḡ Yesu Kristo ḡutie, eye eyae nye Afeto la. Ke mía wo la, míenye subɔlawo le Yesu



ṣuti. <sup>6</sup> Mawu ame si gblo be, “Kekeli neklẽ de viviti me la,” kee nye ame si klẽ de míawo hã fe dzi me. To esia wowo me la, ena be míexò kekeli la fe sidzedze, si nye efe ṣutikòkòe si klẽna tso Kristo me.

<sup>7</sup> Ke kesinonu sia le míá si le anyigoewo me, be wòadée fia be ṣusẽ triako sia metso míá gbo o, ke boṣ Mawu gbo wòtso. <sup>8</sup> Womimi mí do le go sia go me gake womegbã mí o, míetoto gake dzi meḍe le míáfo o, <sup>9</sup> woti míá yome, gake Mawu megble mí di o, wofo mí fu anyi, gake wometsrõ mí o. <sup>10</sup> Yesu fe ku le míáfe ṣutilã me míele yiyimee gbe sia gbe, be woade Yesu fe agbe hã de go le míáfe ṣutilã me. <sup>11</sup> Elabena wotsò mí ame siwo le agbe la de asi na ku gbe sia gbe le Yesu ta, be woade efe agbe de go le míáfe ṣutilã si le kuku ge la me. <sup>12</sup> Eya ta ku le do wom le míá me, gake agbe le do wom le miawo me.

<sup>13</sup> Abe ale si wonlo de mawunya me ene be, “Mexòe se, eya ta mefo nu do” la, nenema ke míawo hã míexòe se, eya ta míadzudzò nufofò o. <sup>14</sup> Míenya be Mawu, ame si fo Afeto Yesu de tsitre tso ame kukuwo dome la afo míawo hã kple Kristo de tsitre, eye wòatsò mí kple miawo siaa nɛ. <sup>15</sup> Míáfe fukpekpe siawo katã nye viḍe geḍe na mi, eye zi ale si míeḍe gbefã Mawu fe amenuveve sia na ame geḍewo, eye wokpo gome le eme la, zi nenema ke woatsò kafukafu kple akpedada na Afeto la.

<sup>16</sup> Esia ta deḍi metea míá ṣu o, eye míana ta o. Togbo be míáfe ṣutilãwo le gbòdzògbòdzòm hã la, ṣusẽ si tso Afeto la gbo, eye wòle míá me la le tsitsim de edzi gbe sia gbe. <sup>17</sup> Xaxa kple fuwoame

siwo katã le mía dzi vam fifia la nu gbɔna yiye ge kpuie, eye le esia tefe la, Mawu ana efe yayrawo kple ɲutikɔkɔe si fo nuwo katã ta la mí ɔaa. <sup>18</sup> Susu sia ta míetsɔa míafe ɲkuwo dana ɔe nu siwo kpɔm míele fifia la dzi o, ke boɲ míetsɔa míafe ɲkuwo dana ɔe nu siwo míekpɔna o la dzi, elabena nu siwo wokpɔna la nu mesena yina o, ke nu siwo womekpɔna o la nɔa anyi tegbee.

## 5

### *Míafe nɔfe le dzifo*

<sup>1</sup> Esia ta míenya be ne wokaka míafe xɔ siwo nye míafe ɲutilãwo la, Mawu ana ɲutilã yeye makumaku mí le dzifo. Eye xɔ yeye siwo Mawu ana mí la menye amegbetɔwo fe asinudo o, ke Mawu ɲutɔe tu wo. <sup>2</sup> Míele fu kpem ɲutɔ le míafe anyigbadziɲutilã siawo me, eya ta wòle mí dzrom vevie, eye míele mɔ kpɔm gbe sia gbe be Afetɔ la atso dzifoɲutilã yeyewo ava do na mí abe awu ene. <sup>3</sup> Elabena menye gbɔgbɔ me ko míano o, ke boɲ Mawu ado awu na mí esi nye dzifoɲutilã la. <sup>4</sup> Zi ale si míegale anyigbadziɲutilã me ko la, zi nenema ke míekpea fu siwo hea hũɔɔɔ kple vevesese vaa mía dzi. Menye ɔe míebe míadzo kaba le anyigbadziɲutilã sia me o, ke boɲ míafe mɔkpɔkpɔe nye be Afetɔ la natsɔ dzifoto si nye agbe la atsyɔ na mí, be wòadɔ esi me míele fifia si gblɛna la dzi. <sup>5</sup> Mawu ɲutɔe ɔe be totɔ sia nava míafe agbenɔnɔ me, eya ta wòtso Gbɔgbɔ Kɔkɔe la de mí me abe kpedɔdzinu ene.

<sup>6</sup> Azò la, míele mò kpòm kple dzidefo na dzifonutilã yeye sia xoxò. Míenyae be zi ale si míegale anyigbadziñutilã me le afi sia la, míedò Afetò la gbò le dzifo haḡe o. <sup>7</sup> Míenya be esiawo katã le eme vavã to xòse me, ke menye to nukpòkpò kple ñkume o. <sup>8</sup> Ke dzidefo blibo le mía si, eye wòdzroa mí gǔ hã be míadzo le anyigbadziñutilã sia me aḡanò Afetò la gbò le efe ñutikòkòe fe mavò la me. <sup>9</sup> Ke míafe didi vevie nye be ne míele agbe le anyigbadziñutilã sia me alo míele egbò le dzifo la, míawò efe lólõnu le nu sia nu me. <sup>10</sup> Elabena mí katã míava tsi tsitre ḡe Kristo ñkume gbe ḡeka, be wòadrõ uonu mí, eye wòadzro míafe agbenòxinuwónawo me tsitotsito. Eye wòaxe fe na ame sia ame pèpèpè ḡe ale si wònò agbe le anyigba dzii la nu. Ne èwò nu nyui la, àxò fetu nyui eye ne èwò vǔ la, àxò fetu vǔ.

### *Kristo fe ame dòdòwo*

<sup>11</sup> Mawuvòvǔ si le mía me tae míedḡea gbefã, eye míefoa dzimetotrò fe nya la ḡe amewo katã nu be woava Afetò la gbò. Mawu ñuto nya be míele dò sia wòm kple dzimekòkò, eye mexòe se be miawo hã mienyae le míafe dzi me nenema tututu. <sup>12</sup> Menye mía ḡokui kafum míele alo menye mía ḡokui dom míele ḡe dzi o, ḡeko míedi be miada ḡe mía dzi abe ame siwo nye Afetò la fe ame dòdò vavãwo ene. Eye miate ñu atso mí afo adegbee alo aḡo nya ñu na nufiala alakpatò siwo le mia dome, ame siwo fe susu koe nye be yewofe dzedzeme nanya kpò nyuie le amewo gbò ko, ke wofe dziwo me do viviti

tsiditsidi. <sup>13</sup> Ne nya siawo sese di le miafe towo me abe de miafe susuwo da ene la, ekema le Mawu fe ntikokoe la tae. Ke ne miedze sii be miafe nyawo meji ame siwo fe tagbo toto to o la, ekema afe vi gege na mi. <sup>14</sup> Menye mia nutowo fe vidokpoko ta miele nu sia nu si wom miele la wom do o; miele ewom, elabena Kristo fe lolõ le mia kplom. Esi miexoe se be Afeto Yesu Kristo ku de mi katã ta la, ele be miawo hã miexoe se be mieku na agbe xoxo siwo mienona tsã la. <sup>15</sup> Nu vevito si ta Kristo ku de amewo katã ta lae nye be mi ame siwo le agbe fifia eye miekpo gome le Mawu fe amenuveve fe nunana si nye agbe mavo la me la, miaganõ agbe na mia dokuiwo alo awo nu si dze mia nu o. Ele be miano agbe na Kristo deka ko, ame si ku, ke Fofu la fe de tsitre la eye miawo nu si nye efe lolõnu ko.

<sup>16</sup> Eya ta tso fifia dzi heyina la, migadrõ vonu ame afeke le nutilã nu be ame sia nye amegã alo bubume alo be novi kristoto afe nye nu võ wola o. Nku ma fomevie mietso kpo Kristoe tsã be enye võwola, gake fifia la, meganye nenemae miegale ekpom o. <sup>17</sup> Eya ta ne ame afe xo Kristo la, enye nuwowo yeye; nu xoxowo nu va yi, “kpo da!” nuwo katã zu yeye. <sup>18</sup> Nu siawo katã tso Mawu, ame si wo mi etowoe to Kristo dzi la gbo. Mawu nuto tso do nyui sia de asi na mi be miakplo ame bubuwo hã va ye gbœ ne yeakpo nublanui na wo, eye woawo deka kple ye. <sup>19</sup> Gbefã si ko dem miele fifia lae nye be Mawu to Kristo dzi le xexea me katã kpem va edokui gbœ. Magado nku amewo fe nu võwo dzi azo

o, ke boṅ atso wo ake wo eye wòatutu wo ɔa keṅ. Nukunya siae wòde asi na mí be míagblo na amewo katã. <sup>20</sup> Eya ta míawo la, Kristo fe ame dɔdɔwoe míenye, eye Mawu le nu fom na mi to mía dzi. Míeto Kristo dzi hele kuku ɔem na mi be ame sia ame nadzudzo nu vɔ wɔwɔ, eye wòaxɔ Mawu fe lolɔ si wòna be ne wòawɔ ɔeka kplii. <sup>21</sup> Elabena Kristo mewo nu vɔ aɔeke o, gake be míawo míakpo agbe ta la, Mawu tso míafe nu vɔwo fe agba dro ɔe eya amea dzi. Eye wòtso efe dzɔdzɔenyenye ɔo etefe na mí katã.

## 6

<sup>1</sup> Esi mí katã míenye Mawu fe hadɔwɔlawo ta la, míele kuku ɔem na mi be migaxɔ Mawu fe amenuveve la dzodzro o. <sup>2</sup> Elabena Mawu gblo be,

“Medo to wò le nye amenuveɔi la,  
eye mekpe ɔe ɲuwò le xɔxɔgbe la.”

Mele eglɔm na wò be, fifiae nye amenuveɔi, kpo ɔa fifiae nye xɔxɔgbe!

### *Paulo fe fukpekpe*

<sup>3</sup> Míedi be ame aɔeke nakpo vodada le ɔo si wɔm míele na Afeto la ɲu o, esia ta míena nudjɔɔa aɔeke le naneke me o. <sup>4</sup> Ke boṅ le xaxawo, hiãkamewo kple yometiti geɔewo me hã la, míedoa dzi eye míeɔea mía ɔokui fiana abe Mawu fe subɔla vavãwo ene. <sup>5</sup> Wofo mí, eye wode mí gaxɔ me. Ame siwo lo veve heliheli ɔe dzi me la tso ɔe mía ɲu kpo. Míewo ɔo sesie, eye ɔeɔi te mía ɲu kpo; míetsia zãdomadolɔe, eye ɔo wua mí. <sup>6</sup> Le nu sia nu me la, míenɔa anyi le

dzadzɛnyenye me. Míegbɔa dzi dji, eye míenyoa dɔ me na ame sia ame. Ale si míedze si Afetɔ la ɲu míezɔna dɔ. Mawu fe Gbɔgbɔ Kɔkɔe la yɔ mí fũu eye míezɔna le eme kple lɔlɔ si me alakpa mele o. <sup>7</sup> Míezɔna le Mawu fe nyatefe kple efe ɲusẽ me, eye ame dzɔdzɔewo fe awawɔnu siwo le nuɖusime kple miame la le mía si.

<sup>8</sup> Nenyɛ be amewo de bubu mía ɲu alo do ɲukpe mí, nenyɛ be wodzu mí alo kafu mí, eye wose nyatefe si gbɔm míele, gake wogbe be yewomaxɔe o, eye wobu mí abe alakpatowo ene hã la, Afetɔ la ko míanɔ agbe na.

<sup>9</sup> Xexea me tɔwo mebua mí dɛ naneke me o, gake Mawu ya nya mí nyuie. Míele kudo nu xe sia xi, gake kpɔ da, míele agbe wu nu sia nu. Wode abi mía ɲu, gake míeku o. <sup>10</sup> Míafe dziwo sea veve ɲutɔ, eye míelɛa blanui, gake Afetɔ la tɔa efe dzidzɔ dea mía me. Míele abe ame siwo nye ame dahewo ene, gake míena ame geɖewo zu kesinɔtowo. Míedzena abe ame siwo si naneke mele o la ene, gake nu sia nu le mía si.

<sup>11</sup> Nɔvi Korinto hametɔ lɔlɔawo, mevu nye dzi me faa gbɔ nu siwo le eme la na mi. Míelɔa mi ɲutɔ, eya ta <sup>12</sup> míexla naneke dɛ mi o, ke bon míelɔ mi tso dzi blibo me, gake ewɔ nuku ɲutɔ be mievu miafe dziwo me dɛ mía ɲu abe ale si míawo míewɔe na mi ene o. <sup>13</sup> Azɔ la, medi be mafo nu na mi abe vinye ɲutɔɲutɔwo ene. Mina be miafe dɔ me nakɔ dɛ mía ɲu, eye mialɔ mí tso dzi blibo me abe ale si míelɔ mie ene.

*Migade ha kple dzimaxɔsetowo o*

14 Migawo deka kple ame siwo melõa Afeto la o. Fomedodo kae le xosetowo kple dzimaxosetowo dome? Eye aleke kekeli kple viviti ate nu anɔ tefe dekae le xeyixi deka me? 15 Aleke Kristo si nye dzodzɔetowo fe fia kple Abosam si nye nu vɔ wɔlawo fe fia la ate nu awo dekae? Eye aleke kristoto hã ate nu awo deka kple dzimaxoseto? 16 Nenema ke mele be dekawowo adeke nanɔ gbedoxo kple trɔxo dome o. Míawoe nye Mawu gbagbe la fe gbedoxo, afi si wònɔna. Mawu nuto gblɔ be,

“Manɔ ame siwo nye tonyewo la dome,  
mazo le wo dome.

Manye wofe Mawu,  
eye woawo hã woanye nye dukɔ.”

17 Esia ta,

Yehowa gblɔ be,

“Mido go le wo dome,  
eye miade vovo tso wo gbo le nu sia nu me.  
Migade asi wofe nu siwo nɔti meko o la nɔti o,  
ekema maxo mi abe tonyewo ene.”

18 Ke,

“Manye mia Fofɔ,  
eye miawo hã mianye,  
vinyenutsuwo kple vinyenɔnuwo.”

## 7

### *Paulo fe dzidzo*

1 Ke azo nɔvinye lolɔtowo, esi Mawu do nugbe gã siawo na mí ta la, mina míadzudzɔ nu gbegblẽ wowo, eye míate da xaa tso nu siwo foa di míafe nutilã kple gbogbo la gbo, eye míanɔ agbe

kòkòewo to Afeto la vovõ me, alé efe nyawo me ðe asi sesĩe.

<sup>2</sup> Le míafe ðowòwò me kpli mi la, míekplò ame ađeke to mótatra ađeke dzi o, míeba ame ađeke alo gblẽ ame ađeke fe naneke o, eya ta mivu míafe dziwo fe vòtruwo ne miaxò mí ðe wo me.

<sup>3</sup> Nyemele esíawo gblòm be matsò fòbubu ađeke ada ðe mia dzi o, elabena megblo va yi xoxo be mena tefe mi le nye dzi me tegbee be manò agbe kpli mi, eye maku hã kpli mi. <sup>4</sup> Međoa dzi ðe mia ñu ñuto, eye medana ðe mia dzi hã ñuto, eye togbo be nuxaxa kple vevesese geđe le dzinye hã la, ne međo ñku mia dzi ko la, dzidefo ðoa asinye eye dzidzo yòa menye tantantàn.

*Nuxaxa si hea dzimetòtrò ve*

<sup>5</sup> Míekpò ñutifafa ađeke esi míeva ðo Macedonia o, fukpekpewo sòñ koe fo xlã mí. Amewo do dzre na mí to mò ðe sia ðe dzi, eye vovõ kple ñòdzi yò mí me fũu ñuto. <sup>6</sup> Ke Mawu, ame si ñuto dea dzi fo na ame siwo fo dzi ðe le la de dzi fo na míawo hã esi Tito va ðo mí gbo. <sup>7</sup> Menye esi wòva ðo mí gbo dedie la ðeđe koe na be míekpò dzidzo o, ke boñ nya siwo keñ wògagblo nam tso mia ñuti tae; ale si miexòe nyuie, ale si wònye míafe didi be yewoakpòm, eye ale si wòve mi ñuto be mele fu geđe kpem kple ale si miele klalo be yewoalé nu siwo mefia mi la ko me ðe asi la na megli kple dzidzo.

<sup>8</sup> Fífa la, megavem be menlò agbalẽ sesẽ ma ðo ðe mi o, togbo be mexa nu geđe le enu le gòmedzedzea me hã la, menya be miawo hã miexa nu ñeyiñi kpui ađe ko. <sup>9</sup> Azò la, mekpò



dzidzɔ manyagblɔ aɖe be meɖo agbalẽ ma ɖe mi. Nyemele dzidzɔ kpɔm be miexa nu o, ke boɲ be agbalẽ la na miedzudzɔ agbe vlowo nɔnɔ, eye mieva Afetɔ la gbɔ. Mawu ɲutoe to dzinye ɲlɔ agbalẽ ma na mi be miadzudzɔ nu vɔ wowo, eya ta menye míawoe na miexa nu o. <sup>10</sup> Elabena xe aɖewo xi la, Mawu nana míexaa nu be míadze si míafe nu vɔwo eye míadzudzɔ nu vɔɖi wowo, eye míadi agbe mavɔ la. Ke ne ame aɖe xa nu vevie le eya ɲuto fe agbe vlo nɔnɔ ta, gake metro dzi me o la, ahe ku ve. <sup>11</sup> Miawo ɲuto mikpɔ ɖa, nenem nuxaxa sia si miexa ɖe Mawu fe didi nu la he vevidodo geɖe ve na mi. Ena mieku kutri, eye mietsi dzimaɖi be yewoatsri nu vɔ si ɲu mefo nu le na mi la wowo. Vovɔ ɖo mi le nuwɔna ma ta eye miedi gɔ̃ hã be mava kpe ɖe yewo ɲuti le nya sia me. Miehe to na ame siwo wɔ nu gbegblẽ sia hã vevie, eye miede mia ɖokui fia be miede nu si wowo la dzi o. <sup>12</sup> Eya ta ɖe menɲlɔ agbalẽ la koɲ be Mawu naɖe ale si melɔ̃a mi la afia, ke menye ɖe ame si wɔ vɔ̃ sia alo ame si ɲuti wowo vɔ̃ sia ɖo la ta o, ke boɲ be miafe veviedodo nu ɖe mía ta nadze fãa le mia dome le Mawu fe ɲkume.

<sup>13</sup> Hekpe ɖe dzidefo si miena mí to lolɔ̃ si miede fia mí la ɲu la, míegakpɔ dzidzɔ geɖe hã le ale si miexɔ Tito kple nu nyui siwo katã miewo nɛ be efe dzi dze eme la ta. <sup>14</sup> Hafi Tito nadzo le gbonye la, metsɔ mi fo adegbe nɛ, eye meɖi ɖase nyui le mia ɲuti nɛ, eye vavã miewo nu siwo megblo nɛ tso mia ɲuti la hã nɛ. Abe ale si metoa nyatefe na mi le nu sia nu me ene la,

nenema ke megblo nyatefe tso mia n̄uti na Tito hã. <sup>15</sup> Azɔ ne Tito hã ɔ̄o n̄ku ale si mied̄o toe le nu si wòfia mi me, ale si mied̄e lol̄õ fiae kple ale si miex̄oe kple dzi blibo dzi la, enana be eya hã fe lol̄õ na mi gadzina ɔ̄e edzi. <sup>16</sup> Ke esi menya be ɔ̄ekawɔwɔ kple lol̄õ gaɔ̄o mía dome azɔ la, ena be nye hã mekpɔ dzidzɔ blibo, eye megaɔ̄o n̄u ɔ̄e mia n̄u le nu sia nu me.

## 8

### *Makedoniatɔwo fe ɔ̄menyowɔwɔ*

<sup>1</sup> Azɔ la, nɔ̄viwo, medi be magblo nu siwo wɔ̄m Mawu le, le Makedonia hamewo me to efe amenuveve me la na mi. <sup>2</sup> Togbɔ be wole fu geɔ̄e kpem, eye wonye ame dahewo hã la, wokɔ ɔ̄o me faa, eye wodzɔa nu kple dzidzɔ. <sup>3</sup> Mele ɔ̄ase ɔ̄im le hame siawo n̄uti be wodzea agbagba dzɔa nu n̄utɔ, eye wowɔ̄nɛ wòwua ale si woate n̄ui ḡõ hã kple dzi faa, ke menye ɔ̄e metee ɔ̄e wo dzi be woawɔe o. <sup>4</sup> Wode kuku na mí be míaɔ̄o yewo hã fe nunana ale be yewo hã yewoakpɔ dzidzɔ be yewona kpekpeɔ̄en̄u Mawu fe ame siwo le Yerusalem. <sup>5</sup> Esi fo wo katã ta, eye wòwɔ nuku na mí lae nye be wotsɔ wo ɔ̄okuiwo na Afeto la kple míawo hã to Mawu fe amenuveve me, eye wol̄õ be yewoɔ̄o to nya sia nya si miégblo na yewo la. <sup>6</sup> Esia ta míebia tso Tito, ame si de dzi fo na mi le yayra si le nunanadɔ si gome miedze me la si be wòayi edzi ade dzi fo na mi be miawu amenuvedɔ sia nu le mia dome. <sup>7</sup> Ale si miede n̄gɔ le x̄ose, nufiafia, nunya, veviedodo nu kple

lólǒ si mietso na mí me la, nenema ke medi be mianye ame gbãtowo le lólǒnunanado sia hã me.

<sup>8</sup> Menye ðe mele se dem na mi alo le mia dzi zim be miawo nunana kokoko o, ke boŋ ale si wònye hame bubuwo fe didi vevie be yewoawo nunana alea tae medi be miawo hã miade miafe lólǒ afia abe hame bubuwo ene. <sup>9</sup> Miawo ñuto mienya Afeto Yesu Kristo fe amenuveve be kesinoto wònye hafi, ke mia ñuti wòva de ahe ðo be miawo la, miato efe ahedada la me azu kesinotowo.

<sup>10</sup> Medi be maðo aḍaṅu na mi be miado vevi nu le nunana sia me, awu nu si gome miedze le fe si va yi me la nu, elabena miawoe nye ame gbãto siwo do susu sia ða, eye miedee fia be miele klalo ðe ewowo ñuti hã. <sup>11</sup> Azo esi miedze vua fofo gome dzidzotoe alea la, miafoe nenema va se ðe nuwuwu. Mina nu si miate ñui la tso nu si le mia si la me. <sup>12</sup> Ne enye miafe didi be yewoana nu mí la, migatsi dzi le ga home si le mia si la ñu o. Mawu fe didie nye be nàna nu si nàte ñui, ke menye wu esi le asiwò o.

<sup>13</sup> Menye míafe didie wònye be miamia ñku, ana ga fũu be ame siwo miele nua dzom na la nazu kesinotowo atso miafe ga ano agbe vivi dum o, <sup>14</sup> ke boŋ ðe míedi be miama nu siwo le mia si la kple wo. Fifia la, nu geðe le mia si, eya ta mikpe ðe wo ñu, ale be ne emegbe nu megava le mia si o, ke wòle woawo si la, woawo hã nakpe ðe mia ñu. To esia me la, ame sia ame akpo eto sinua. <sup>15</sup> Abe ale si wòle Nɔŋɔ Kɔkɔe la mee ene be, “Ame si foa fu nuwo fũu hã mekpɔa ðeke

ḡe edzi o, ke ame si fo fu sue aḡe hã la, naneke mehiãne o.”

### *Wodo Tito ḡe Korinto*

<sup>16</sup> Míeda akpe na Mawu, ame si tso nenem veviedodo nu le mia ḡuti sia de Tito ḡe dzi me be wòakpe ḡe mia ḡu, axlõ nu mi abe nye ke ene. <sup>17</sup> Tito kpo dzidzo ḡuto esi míegblo ne be wòagava kpo mi ḡa. Eya ḡuto hã di vevie be yeava hafi míegbloe ḡõ hã. <sup>18</sup> Mele novi nyanye bubu aḡe hã ḡom ḡa kpe ḡe Tito ḡuti le mɔzɔzɔ sia me. Hame geḡewo ḡi ḡase le ale si novi sia hã kpo gome le Mawu fe amenuveve la me be wòagblo Afeto la fe nyanyui la kple dzidefo la ḡuti. <sup>19</sup> Le nyatefe me la, hameawo tia novi sia hã be eya hã nã mí ame siwo le miafe nunanawo tso ge ayi Yerusalem la dome. Míele ḡo sia wɔm be míatsɔ ade bubu Afeto la ḡuti eye míaḡe ale si wònye míafe didi vevie be míakpe ḡe míã nɔewo ḡuti la hã afia. <sup>20</sup> Míewo esia elabena míedi be ame aḡeke nagaka mo na mí le nudzɔdzɔ ḡã sia, si míena wodzo la ḡuti o. <sup>21</sup> Mawu ḡuto nya be nutefewolawo míenye, gake míedi be amewo hã nanya esia.

<sup>22</sup> Míegale novi bubu hã ḡom ḡe mi kpe ḡe wo ḡuti, ame sia hã nye hadɔwola vevi ḡeka. Eya hã di vevie be yeakpe ḡe mia ḡu, esi megblo míafe vevidodo nu ne. <sup>23</sup> Ḋewohĩ ne ame aḡe bia mi be ame kae nye Tito hã la, migblo be enye nye ḡowohati, eye wònye tenyefenola le mia gbɔ. Eye ne wobia nu tso novi eve bubuawo hã ḡu la, migblo ko be ame ḡoḡowo wonye tso hame bubuawo me, eye wonye subola vavãwo

kple bubu na Kristo. <sup>24</sup> Meḡe kuku mitsɔ lolõ si le mia me ḡe ṅunye la na ame siawo hã, ale be woakpɔe be ale si mefoa adegbe tso mia ṅuti la le eme vavã, eye miḡee fia le hameawo fe ṅkume.

## 9

### *Kpekpeḡenunana haxɔsetowo*

<sup>1</sup> Mikpɔe be megahiã kokoko bena maganlɔ agbalẽ na mi le ale si wòhiã be miana nu Mawu fe ame siwo le Yerusalem o, <sup>2</sup> elabena menya ale si wònye miafe didi vevie be yewoawɔ lolõnununana sia, eye metsɔ esia fo adegbe na Makedonia hamewo be mi Akayatowo miele klalo kple miafe nunanawo abe fe ḡekae nye esia ene. Le nyatefe me la, esia de dzo toxɛ aḡe woawo hã me be wodze fufɔfo nunanawo gome. <sup>3</sup> Ke mele nɔvi siawo dɔm kple miafe nunanawo elabena míetsɔ mi fo adegbe na amewo ṅuto eye nyemedi be míafe adegbe sia natrɔ zu alakpa o. <sup>4</sup> Eye anye ṅukpe nam ṅuto, eye wòanye ṅukpe na miawo hã ne nɔvi siwo tso Makedonia va kplim ko wòava dzo be miele klalo abe ale si meḡblɔ na wo ene o.

### *Nunana tso dzi vavã me*

<sup>5</sup> Esia ta mele nɔvi siawo dɔm ḡo ḡe mia gbɔ be woakpɔ egbɔ be nu siwo ṅugbe miedo la nasɔ gbe hafi nye ṅuto mava. Ale be wòanye nu si miana faa tso dzi me, eye menye tso dzizizi me o. <sup>6</sup> Ke medi be esia nanɔ nyanya me na mi be, ame si ana nu sue aḡe la, nu si wòakpɔ ḡe etefe anɔ sue. Agbledela si fã nuku sue aḡe ko la, xaa nuku sue aḡe ko le nuxaxi, gake nenyɛ be wòfã

nuku sɔgbɔ la, axa nuku fũu le nuxaxi. <sup>7</sup> Ale si sinu ame aḍe di be yeana ko la nena; migazi ame aḍeke dzi be nena wu ale si wòate n̄ui o, elabena Mawu l̄ɔa ame siwo naa nu kple dzi faa la. <sup>8</sup> Sedofe aḍeke meli na Mawu fe nunana si wònaa mi gbe sia gbe o. Eya n̄uto naa nu siwo hiãa mi la mi, eye wònanɛ le agbɔsɔsɔ blibo me be ne miewɔ wo n̄uti dɔ ɔuu hã la, agatsi anyi zã be miana ame bubuwo atso afia dɔ nyui wɔwɔ. <sup>9</sup> Ele N̄ɔn̄lɔ Kɔkɔe la me be:

“Ema efe nuwo na ame dahewo yi didifewo ke, eya ta efe dzɔdzɔenyenye anɔ anyi tegbetegbe.”

<sup>10</sup> Ke Mawu, ame si naa nuku agbledela wòfãna, eye emegbe la, wòyrana ḍe edzi be wòakpɔ nuḍuḍu gbe sia gbe la ana nuku geḍewo mi be miafã, eye wòana woatsi avã nyuie ale gbegbe, be miakpɔ nuku geḍe le nuxaxi, be miatsɔ ḍewo ana ame bubuwo hã. <sup>11</sup> Mawu n̄uto ana be miazu kesinɔtowo ale be miate n̄u ana nu ame dahewo xe sia xi, ale be ne mietsɔ wo yii na wo la, woada akpe geḍe na Mawu le ale si miekpe ḍe wo n̄u ta.

<sup>12</sup> Ale miakpɔe be lɔlɔn̄unana si nam miele la na ame kɔkɔe siwo le nu hiãm la kpɔ nu siwo le wo hiãm, eye woatsɔ akpedada blibo na Mawu. <sup>13</sup> Nɔvi siwo katã n̄u miele kpekpeḿ ḍo la makpɔ dzidzɔ le miafe nunana nyuiwo ḍeḍe ko n̄uti o, ke boṅ woakafu Mawu hã le miafe toḍoḍo Kristo fe nyanyui la ta. Eye miafe nunana hã nye kpeḍodzi be Kristo le mia me vavã. <sup>14</sup> Nɔvi siawo ado gbe ḍa ḍe mia ta vevie, ada akpe gã

adẹ na Mawu le amenuvedo gã siwo wòwo na wo to mia dzi la ta. <sup>15</sup> Akpedada woatsɔ ana Mawu le efe nunana manyagblo la ta.

## 10

### *Paulo vli efe apostolonyenye ta*

<sup>1</sup> Azɔ la, nye Paulo ɲuto mele nu xlɔm mi kple dzigbodji kple tufafa abe ale si Kristo ɲuto awɔ ene. Ke mia dometo adewo le gbogblom be, ne mele adzoge la, nye nya dzi “sesēna”, gake ne meva yewo gbɔ ko la, menɔa anyi abe “vɔvɔnɔto” ene. <sup>2</sup> Mele kuku dem na mi be migana makplo mi kple asi sesē ne meva mia gbɔ o. Menya be ɲusē le asinye mazã de ame siwo buna le mia dome be amegbetɔ fe nunya kple ɲusē ko metsɔ le do wɔmii la dzi, gake nyemedi be mawɔ alea o. <sup>3</sup> Enye nyatefe be míele ɲutilã me zom gake, míewɔa ava le ɲutilã nu o. <sup>4</sup> Menye amegbetowo fe awawɔnuwo míezãna o, ke boɲ Mawu fe ɲusē si tri ako wu nu sia nu lae míetsɔna dua Abosam fe ɲusēwo katã dzi. <sup>5</sup> Míetsɔa Mawu fe ɲusē sia dua nya vlo siwo katã amegbetowo gblɔna de Mawu ɲuti la dzi, eye eyae míetsɔna gbãa nugomemasemase fe gli si wòtu fo xlã amewo be woagadze si Mawu o. Eye to ɲusē sia me la, míeléa ame si dze aglã de Mawu ɲuti la kluvii be wòatrɔ gbɔ va Mawu gbɔ, eye míetrɔa efe susuwo be wòado to Kristo. <sup>6</sup> Eye míele dzadzrado me be ne miafe todofo made blibo o la, ekema míahe to na ame siwo me aglãdzegbogbo gale la.

7 Nu si le fu ɔem na mi lae nye be mietsɔ amenkumekpɔkpɔ ɔo ɔe, eye miele nye hã kpɔm be nɔsẽ aɔeke mele nɔnye o. Ke medi be miase egɔme be ne ame aɔe ate nɔ agblɔ be Kristo fe nɔsẽ le ye si tututu la, míawo hã míate nɔ agblɔ esia. 8 Ɖewohĩ la, awɔ na mi abe ɔe mele adegbe fom akpa le Afeto la fe nɔsẽ si wònam la ta ene, gake nye la, menye nɔkpe nam o, elabena ɔe wòna nɔsẽ siam be matsɔ tu mi ɔe edzi, menye be matsɔ agblẽ nu le mia nɔ o. 9 Nyemedi be miabu be ɔeko mele vovɔ dom na mi kple nye agbalẽwo o. 10 Mia dometo aɔewo gblɔ be, “Ne ele adzoge la, eyae wònlɔa agbalẽ nɔa nɔdzi kple vovɔ dom na ame, gake ne eya nɔto va la, megatea nɔ gblɔa nya mawo dometo aɔeke o, ke boɔ efoa nu abe ɔevi ene.” 11 Ke medi be ame siwo le nya mawo gblɔm la, nadzra ɔo ɔi, elabena ne míeva la, nɔsẽ si mietsɔ nɔ agbalẽawo la, miele eɔe ge afia wo.

12 Míedi be míawo abe ale si mia dometo aɔewo wòna nɔa wo ɔokuiwo kafum eye wonɔa nya ulim le wo ɔokuiwo dome be ame kae nye gãto hã o. Nu siawo katã nye movidzɔdzɔ be miadi be yewoakpɔ be, ame kae nye gãto wu le yewo dome hã? 13 Ke míawo la, míafo adegbe le nu si le mía si la ko nɔ; míafo adegbe le ɔo si Mawu de mía si be míawo, eye esi míewo le mia dome la koe nye míafe taɔɔdzinu. 14 Míedze ago ne míegblɔ be nɔsẽ le mía si ɔe mia dzi o, elabena míawoe nye ame gbãto siwo tso Kristo fe nyanyui la ve na mi. 15 Eye menye ɔe miele didim be míafo adegbe le ame bubu fe ɔo si wòwo le mia dome la ta o, ke míafe didi vevie



nye be miafe xose natsi de edzi be miate nu awo do gawo le mia dome le doḍo si wona mi la nu. <sup>16</sup> Le esia megbe la, miate nu akpo mo atso Kristo fe nyanyui la ayii na dukɔ siwo le adzoge le mia gbo afe si ame adeke mede haḍe o, be woawo ha nadze si Kristo. Ale be ame adeke magagblo be yee nye ame gbato si tso nyanyui la yi du ma me hafi mieva o. <sup>17</sup> Mawunya gblo be, "Ame sia ame si di be yeafɔ adegbe la nafɔe le nu si Afeto la wo la ko nu." <sup>18</sup> Elabena ame si foa adegbe le eya nuto fe dowo nuti la medzea Afeto la nu o, ke ame si fe dowo nu Afeto la kpo nudzedze nyui le lae nye dowola nyuito.

## 11

### *Paulo kple avatsopostolowo*

<sup>1</sup> Mexo se be miagbo dzi di ase nye movinya siwo gblom mele na mi. Miḍo to ne magblo nye dzimenyawo na mi. <sup>2</sup> Metsɔ Mawu fe nuvaã le nu vam le mia nu; elabena medo mia nugbe na nutsu deka, si nye Kristo be mianye eya deka ko to, abe ale si detugbi dzadze tsoa efe lolɔ naa nutsu si fe nugbe wodo ne la ene. <sup>3</sup> Gake mele vovom de mia nu be dewohi la, ame aḍe ava ble mi, eye wɔatrɔ miafe susu da tso dzimekoko si mietsɔ na Kristo gbo, abe ale si da dzeaye ma ble Eva ene. <sup>4</sup> Nu si ta mele esiawo gblom lae nye be edze nam be mia beble le boboe, eye ne ame aḍe va mia gbo va de gbefã Yesu bubu si to vovo tso esi nuti miefia nu mi le la gbo alo wofia nu bubu saa mi alo fo nu tso gboḅo bubu aḍe si meso kple Gboḅo Koko si miexo o nuti la,

miexɔa ame ma dzi sena bɔbɔe. <sup>5</sup> Ke nye Paulo mexɔe se be ame siwo nɔa wo ɔkuiwo yɔm be Mawu fe ame dɔdɔwo yewonye la menyo wum le mɔ aɔke nu o. <sup>6</sup> Ne nyemeɔea ami ɔe nye nufo abe ale si woawo wɔne ene o hã la, menya nu si tututu gblɔm mele elabena Afeto la fe nɔsẽ me mefoa nu le abe ale si miawo nɔto mienya ene. <sup>7</sup> Azo esi meva mia gbɔ, eye meɔe gbefã Mawu fe nyanyui la na mi le ɔkuibɔbɔɔeanyi blibo me, eye nyemexɔ naneke le mia si o la, eyae nye nu vɔ si mewɔ ɔe mia nɔ eya ta miebum ɔe naneke me oa? <sup>8</sup> Le xeyixi si me menɔ gbefã ɔem le mia gbɔ la, hame bubuwoe nɔ dzinye kpɔm. Ale be wɔva zu be mexɔ nu siwo hame bubuwo nam la hetsɔ wɔ ɔe le mia gbɔ. <sup>9</sup> Esi menɔ mia gbɔ, eye nanewo va hiã la, nyemebia mi o, ke bon kristoto siwo tso Makedonia va gbonye lae tso nu siawo nu ve nam. Meɔe be nyemanye agba na mi o, eya tae nyemebia pesewa ɔeka hã va se ɔe fifia o, eye nyemabia mi hã gbedegebede o. <sup>10</sup> Abe ale si Kristo fe nyatefe la le menye ene la, ame aɔke mate nɔ atrɔ nye susu sia o, eye mana nɔvi siwo katã le Akaya nutowo me la hã nanya nu le esia nɔti. <sup>11</sup> Ame aɔe agblo be ɔe nyemelɔ mi Kristotowo o, eya ta megblo esia ɔo, gake mele eme nenema o, elabena Mawu nɔto gɔ hã nya be melɔ mi vevie.

<sup>12</sup> Ke mawɔ nu si meɔo la dzi be matsɔ ɔe ke le miafe apostolo siwo le adegbe fom be yewo hã Mawu fe ɔo ko wɔm yewole abe miawo ke ene la te. <sup>13</sup> Nenɔ nyanya me na mi be menye Mawue ɔo avatsopostolo mawo o. Alakpatowo wonye, eye wodze agbagba ble mi be Kristo fe

apostolowo yewonye. <sup>14</sup> Esia mewo nuku nam o, elabena Satana nuto hã tea nu troa edokui xe adewo xi abe Mawudola ene. <sup>15</sup> Eya ta menye nu wonuku adeke wonye kura be Satana fe dolawo tro wo dokuiwo abe Kristo fe dolawo ene o, gake le nuwuwu la, woahе to na wo de wofe nuwonawo ta.

*Paulo fo adegbe le efe fukpekpewo nuti*

<sup>16</sup> Megale kuku dem na mi be migabu be de nyemenya ale si mafo nu abe ame mawo ene o, eye nenyе be nyemenya ale si mafo nu abe woawo ene o hã la, mide mo nam be mafo nu abe abuneto ene, eye nye hã mafo adegbe vie abe woawo ene. <sup>17</sup> Adegbe sia fofo kple kakadedzi menye nu si Afeto la di tso asinye be mawo o, gake mele efo ge abe ale si ame tagbomanosito foa nue ene. <sup>18</sup> Abe ale si ame gedewo foa adegbe be yewonye ame toxewo le xexea me ene la, nenema ke nye hã mele wowo ge fifi laa. <sup>19</sup> Miebe nunyalawoe yewonye, gake miedoa to bometsinyawo dzidzotoe. <sup>20</sup> Mielõ wotsõ mi wo kluviwoe, woɔoa nu siwo menyo o la na mi miewona, wona miekpõ wo dzi, wowoa wo dokuiwo glodzoo eye wokaa mo na mi de madzomadzõ dzi gake miekea nu o. <sup>21</sup> Enye nukpe nam be magblo be dzidefo kple nusẽ mele asinye be mafo nu nenema o, ke nu sia nu si nu woafõ adegbe le la nye hã mate nu afo adegbe le nenem nu ma nu, eye enye dada nam be megale nu fom abe bometsila ene. <sup>22</sup> Wofõa adegbe be Hebritowo yewonye, nye hã Hebritõ menye. Wobe Israelviwo yewonye,

nye hã Israelvi menye, eye wobe Abraham fe dzidzimeviwoe yewonye, nye hã Abraham fe dzidzimevie menye. <sup>23</sup> (Megale nu fom dadatɔe abe ame si fe tagbɔ da ene.) Wobe Kristo fe subɔlawo yewonyea? Gake mesubɔa Kristo wu wo katã, eye mewɔ do wu wo elabena le Kristo ta wodem gaxɔ me zi geɖe, wofom kutɔkutɔe, eye xe aɖewo xi gɔ hã la, medea tsiẽfe gagbɔna. <sup>24</sup> Yudatowo fom zi atɔ sɔŋ eye le fofo de sia de me la, wofom zi blaetɔ-vɔ-asiekɛ. <sup>25</sup> Romatowo hã fom zi etɔ kple gakawo, eye wofu kpem zi deka. Menɔ todziu me wògbã zi etɔ sɔŋ; xe aɖe xi gɔ hã la, mege dze atsiafu me, eye menɔ atsiafu gbana la me zã deka kple nkeke deka. <sup>26</sup> Mezɔ mo didi tededjamenju geɖewo, eye nye agbe do xaxa me le toɖoɖo, fiafitowo, Yudatowo kple ame siwo menye Yudatowo ta. Le nyatefe me la, meto dzogbevɔewo me le afi sia afi si mede la, le du gãwo me, gbedzi kple fu dzi siaa. Nenema ke ame siwo be yewonye noviwo le Kristo me, evɔ mele eme nenema o hã do nɔdzi na nye agbe. <sup>27</sup> Le dɔwɔwɔ fũu ta la, deɖi tea nɔnye, eye metsi zãdomadɔlɔe zi geɖe. Do kple tsiko wuam zi geɖe. Do fe hã menɔa asinye o, eye le zã me la, vuvɔ wɔam, elabena avɔ titri menɔ asinye o. <sup>28</sup> Hekpe de nu siawo nɔti la, metsina dzodzodzoe enuenu tso hamewo fe tsitsi de edzi nɔti. <sup>29</sup> Ne ame aɖe le hame aɖe me si gbɔdzɔ la, etena de dzinye, eye nye hã megbɔdzɔna enumake eye ne hamevi aɖe wɔ nu vɔ eye wòdze anyi la, enana be nuxaxa yɔa nye dzi me.

<sup>30</sup> Azɔ ne medi be mafo adegbe la, deko mafɔe

le nu siwo nana be ɲusẽ mele ɲunye o la ɲu. <sup>31</sup> Mawu, ame si nye Afeto Yesu Kristo Fofu, eye wòdze kafukafu tso mavo me yi mavo me la hã nya be nyatefe gblom mele. <sup>32</sup> Esi menɔ Damasko la, fia Areta do asrafowo dua fe agbowo nu be woalém, <sup>33</sup> gake novi siwo le afi ma la de ka kusi ɲu, eye wokom da de kusi la me hetsɔ to fesre si le glia me la me, eye mesi dzo le egbo.

## 12

### *Paulo fe ɲutega kple ɲu si le efe ɲutilã me*

<sup>1</sup> Adegbe siwo katã fom mele la mehiã o. Movinyawo sɔɲ ko wonye, gake mele edzi yi ge. Mina mafo nu le Afeto la fe ɲutegawo kple dedefiawo ɲu. <sup>2</sup> Menya ɲutsu aɖe le Kristo me. Anɔ abe fe wuienee nye esia ene la, eɖanɔ ɲutilã me o, nyemenyae o, alo menɔ ɲutilã me o, nyemenyae o; Mawue nyae. Wokɔ nenem me sia yi dzifo etõlia. <sup>3</sup> Migabiam be ɲutilã mee wònɔ alo gbogbo mee wònɔ hafi yi afi ma hã o, elabena nyemenya o. Mawu deka koe nya, gake menya be wokoe yi Paradiso la me vavã. <sup>4</sup> Le afi ma la, wose nya siwo wo nuku ale gbege be wogbo amegbetowo fe susu kple gomesese ɲu yi, eye womede mo be woagblo wo na ame aɖeke o. <sup>5</sup> Nu si teƒe wòkpo la nye nu xɔasi aɖe si ɲu mate ɲu afo adegbe le, gake nyemedi be mawo nenema o. Ke boɲ mafo adegbe le ale si megbodzoe, gake Mawu wo do le ɲutinye hena eya ɲuto fe ɲutikokoe la ɲuti. <sup>6</sup> Nu gedewo ɲuto li siwo ɲu mafo adegbe le, eye ne mewo esia

la, mawom movitoe o; elabena wonye nyatefe. Ke nyemawoe o, be amewo nabum amegãe wu ame si nuto menye o, ke bon be woakpo nu si wodge be woakpo le nye agbenonon kple gbefã si dem mele la me. <sup>7</sup> Mawu fe ganyenye kple nukunu siwo tefe mekpo la, menye nu boboe o, eye be nyemagado dokui nye de dzi o la tae Mawu na be doléle ade ge de nye nutilã me si zu nu na fu dem nam. Esia nye Satana fe dola fe nuwona. <sup>8</sup> Medo gbe da na Afeto la zi etõ son kple kukudege be woadge doléle sia da le menye. <sup>9</sup> Ke xe sia xi la, Afeto la gblona nam be, “Nye amenuveve so gbo na wò, elabena medea nye nusẽ fiana to ame siwo gbodzò le nutilã me la dzi.” Eya ta enye dzidzo nam be mafo adegbe le nye gbodzògbodzò nuti bon, ale be Kristo fe nusẽ blibo la katã nadze le menye. <sup>10</sup> Esi menya be Kristo nuto fe lolõnu wõnye be nu sia nadzo de dzinye ta la, mekpoa dzidzo be “nu” sia le nye nutilã me. Mekpoa dzidzo hã be amewo dzuam, tia nye agbe yome, eye mepoa xaxa kple hiã gedde me, elabena mekpoa nusẽ to gbodzògbodzò me, eye zi ale si megbodzò la, zi nenema ke mesẽa nue.

*Paulo tso de le eme na Korinto hamea*

<sup>11</sup> Miafe nuwona na be mefo nu, do dokui nye de dzi abe bometsila ene. Ewo la, miawoe wòle be miakafum, ke menye nye nuto wòle be makafu dokui nye hafi o, eye togbo be nyemele naneke me o hã la, naneke mele miafe apostolo mawo si si mele asinye o. <sup>12</sup> Esi mele mia gbo la, nye dowowo de sia de do kpe edzi be Afeto

lae tiam abe apostolo ene, eye wòdòm be mava gblo nyanyui la na mi, eye metsò dzigbòdì wò dzesiwo, nukunuwo kple nusèdò gedewo hã le mia dome. <sup>13</sup> Nu ka me gõ mietsi megbe le le hame susœawo ñu? Nu si ko nyemewo le mia gbò o, ewo mewoe le hame bubuwo me lae nye be nyemenye agba na mi o. Mitsò nu madzomadzo sia kem!

<sup>14</sup> Azò la, zi etõliae nye esia megbona mia gbò, eye le nye vava me hã la, nyematsò dzinyekpòkpò fe agba ađo mia dzi o, elabena nyemele miafe ga dim o, ke boñ miawo ñuto dim mele. Vinyewo mienye, eye menye viwoe wòle be woadi nuđudu na wo dzilawo o. Dzilawoe wòle be wòakpò wo viwo dzi. <sup>15</sup> Enye dzidzo nam be matsò ñokuinye kple nu siwo le asinye la na mi be miatsi ñe edzi le gbogbo me, gake zi ale si mele mia lóm ñe edzi la, zi nenema ke miafe loló nam hã dzi le ñedem kpoto. <sup>16</sup> Ame ađewo le mia dome le gbogblóm be, “Enye nyatefe be ne eđi tsa va kpò mí la, míegblèa ga ađeke ñe enuti o, gake Paulo sia ayetoe wònye le mía blem. Le nyatefe me la, anya to mo ađe dzi kokoko wo ga le mía ñuti.” <sup>17</sup> Enye nyatefea? Ñe ame siwo medo ño ñe mi la fe ñe va xo nane le mia sia? <sup>18</sup> Alo ñe Tito kple ñovi si medo ño ñe mia gbò la va ba mia? Gbede, elabena menya nyuie be mí katã la, Gbogbo Kòkòe ma ñeka koe le mía me, eye nu ñeka togbi mí katã míewona.

<sup>19</sup> Ñewohi la, mianò bubum be ñe mele esiawo katã gblóm be mauli mía ñokuiwo ta le mia gbò, ale be miagalóm. Esia mele eme nenema o. Ñovi lolówo, abe Kristotowo ene la, mele

nya sia gblom na mi le Mawu fe nkɔ me, be matu mi ɔo le gbogbo me. <sup>20</sup> Nu si vɔm mele lae nye be ne meva mia gbɔ la, miafe agbenonɔ ava to nkɔ nam, eye esia ana be nye nuwɔna manɔ abe ale si miadi be wɔanɔ ene o. Mele vɔvɔm be ne meva la, mava kpɔ dzrewɔwɔ, ɲuɔɔvɔ, dɔmedzoedodo, amenɲuzɔzɔ, sakplisasa, ɔkuidododɔedzi kple mama le mia dome. <sup>21</sup> Mele vɔvɔm hã be nenyɛ be meva la, Mawu abɔbɔm ɔe anyi le miafe nkume, eye mafa konyi le ame geɔe siwo wɔ nu vɔ tsã, eye wometro le wofe dzi me le makɔmakɔnyenye, ahasiwɔwɔ kple hadzedze siwo wowɔ la ɲuti la ta.

## 13

### *Nuxɔxlɔ mamlɛawo*

<sup>1</sup> Esia anye zi etɔlia mava mia gbɔ. Azɔ abe ale si wonlɔe ɔe mawunya me ene la, “Woaxɔ nya si ame aɔe tso ɔe nɔvia ɲu la to ɔasefo eve alo etɔ fe kpeɔodzi me.” <sup>2</sup> Mexlɔ nu mi xoxo esi meva mia gbɔ zi evelia va yi. Azɔ la, megale eglom, esi nyemele mia gbɔ o. Ke ne metro va la, nyematsɔe ake ame siwo wɔ nu vɔ do ɲɔɔ alo ame bubu siwo wɔe kplɔ wo ɔo, <sup>3</sup> elabena miele nane dim be wɔaɔo kpe edzi na mi be Kristoe le nu fom to dzinye. Kristo megbɔdzɔ le tohehe na mi me o, ke esɛ ɲu le mia dome. <sup>4</sup> Be woaka ɔe edzi na mi la, woklãe ɔe ati ɲu le gbɔdzɔgbɔdzɔ me, ke hã la, ele agbe to Mawu fe ɲusɛ me. Nenema ke miɛgbɔdzɔ le eya amea me, gake to Mawu fe ɲusɛ me la, miɛle agbe be miɛsubɔ mi.



<sup>5</sup> Mido mia ɔkuiwo kpɔ be miele xɔse me vavã mahã? Nenema ke midzro mia ɔkuiwo me. Ɖe miekpɔ dze sii be Kristo Yesu le mia me oa? Negbe ɔe mieto xɔse fe dodokpɔ la me o. <sup>6</sup> Mexɔe se be mi katã mialɔ ɔe edzi kplim be mieto dodokpɔ la me. <sup>7</sup> Míafe gbedododa na Mawue nye be miagawɔ nu vɔ̃ aɔeke o. Menye be miatso afia be míefia nu nyui mi o. Gbede, nenybe be woɔe vodada na mí hã la, ele be miawo ya miawɔ nu nyui. <sup>8</sup> Elabena míate ɲu awɔ naneke ɔe nyatefe la ɲuti o; ke nyatefe la boɲ ye míate ɲu awɔ nane na. <sup>9</sup> Enye dzidzo na mí ne míawo miégbɔdzɔ, eye miawo miesě ɲu la, míekpɔa dzidzo, eye esia ɲuti míele kuku dem ɔo le miafe blibodede ɲuti. <sup>10</sup> Mele nu sia ɲlɔm na mi kple mɔkpɔkpɔ be ne meva ɔo la, magahiã be mahe nya ɔe mia ɲu alo ahe to na ame aɔeke o, elabena nye didie nye be mawɔ ɲusě si Afeto la nam la ɲuti ɔo atso atu mi ɔo le xɔse me. Ke menye be matsɔe aɔiɔi mi ɔe anyi o.

### *Gbedoname Mamleawo*

<sup>11</sup> Mlɔeba la, nɔviwo, midze agba be mianɔ agbe nyuie. Miɔo to nya siwo katã megblo na mi. Minɔ anyi le ɔekawɔwɔ kple ɲutifafa me, eye ɲutifafa kple lolɔ fe Mawu la nanɔ anyi kpli mi.

<sup>12</sup> Mido gbe na mia nɔewo le Kristo me.

<sup>13</sup> Ame kɔkɔe siwo katã le gbonye afi sia la do gbe na mi nyuie.

<sup>14</sup> Afeto Yesu Kristo fe amenuveve kple Mawu fe lolõ kple Gbogbo Kòkòe la fe hamenɔnɔ nanɔ anyi kple mi katã.

**Biblica® Se aḍeke mebla Biblia zazã o  
Agbenya La™**

**Éwé: Biblica® Se aḍeke mebla Biblia zazã o Agbenya  
La™ (Bible) of Ghana**

copyright © 2020 Biblica, Inc.

Language: eʋegbe

Contributor: Biblica, Inc.

Biblica® Open Ewe Contemporary Scriptures™

Copyright © 1988, 2006, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

All content on open.bible is made available under a Creative Commons Attribution-ShareAlike 4.0 License (<http://creativecommons.org/licenses/by-sa/4.0/>).

You are free to:

- Share — copy and redistribute the material in any medium or format
- Adapt — remix, transform, and build upon the material for any purpose, even commercially

Under the following conditions:

Attribution — You must attribute the work as follows: “Original work available for free at [www.biblica.com](http://www.biblica.com) and [open.bible](http://open.bible)” Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original.

Use of trademarks: Biblica® is a trademark registered in the United States Patent and Trademark Office by Biblica, Inc. and may not be included on any derivative works. Unaltered content from open.bible must include the Biblica® trademark when distributed to others. If you alter the content in any way, you must remove the Biblica® trademark before distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-11-15

---

PDF generated using Haiola and XeLaTeX on 21 Feb 2024 from source files dated 29 Jan 2022

357b3e5f-5b9b-5166-bad7-01aa010d5029